

ახმეტის მუნიციპალიტეტის საკრებულოს

დადგენილება №44

2011 წლის 11 ნოემბერი

ქ. ახმეტა

ახმეტის მუნიციპალიტეტის ტერიტორიაზე ქუჩების, ხეივანების, მოედნების, სკვერებისათვის სახელწოდების მინიჭებისა და მრავალბინიანი სახლების სადარბაზოების, ბინების ნუმერაციის წესის დამტკიცების თაობაზე

ადგილობრივი თვითმმართველობის შესახებ“ საქართველოს ორგანული კანონის მე-16 მუხლის მე-2 პუნქტის „მ“ ქვეპუნქტის, 22-ე მუხლის პირველი პუნქტის „უ“ ქვეპუნქტისა და 43-ე მუხლის მე-2 პუნქტის, „გეოგრაფიული ობიექტების სახელდების შესახებ“ საქართველოს კანონის მე-10 მუხლის მე-5 პუნქტის შესაბამისად, ახმეტის მუნიციპალიტეტის საკრებულო ადგენს:

მული 1

დამტკიცდეს „ახმეტის მუნიციპალიტეტის ტერიტორიაზე ქუჩების, ხეივანების, შესახვევების, ჩიხების, მოედნების, სკვერებისათვის სახელწოდების მინიჭებისა და მრავალბინიანი სახლების სადარბაზოების, ბინების ნუმერაციის წესი“ (დანართი №1).

მუხლი 2

დადგენილება ძალაშია „ნორმატიული აქტების შესახებ“ საქართველოს კანონით დადგენილი წესით, გამოქვეყნებისთანავე.

საკრებულოს თავმჯდომარე

ა. მაილაშვილი

ახმეტის მუნიციპალიტეტის ტერიტორიაზე ქუჩების, ხეივანების, შესახვევების, ჩიხების, მოედნების, სკვერებისათვის სახელწოდების მინიჭებისა და მრავალბინიანი სახლების სადარბაზოების, ბინების ნუმერაციის წესი

მუხლი 1. ზოგადი დებულებანი

წინამდებარე წესი განსაზღვრავს ახმეტის მუნიციპალიტეტის ტერიტორიაზე ქუჩების, ხეივანების, შესახვევების, ჩიხების, მოედნების, სკვერების სახელწოდების მინიჭების, მრავალბინიან სახლებში სადარბაზოების, ბინების ნუმერაციის საფუძვლებსა და პირობებს.

მუხლი 2. ტერმინთა განმარტება

1. ქუჩების, ხეივანების, შესახვევების, ჩიხების, მოედნების, სკვერების, მრავალბინიან სახლებში სადარბაზოებისა და ბინების ნუმერაცია – დადგენილი წესით, გარკვეული რიგითობის მიხედვით ქუჩების, ხეივანების, შესახვევების, ჩიხების, მოედნების, სკვერების, მრავალბინიან სახლებში სადარბაზოებისა და ბინების დანომვრა არაბული ციფრების, ქართული ანბანის ასოების ან/და ინდექსების მეშვეობით.

2. ბინა მრავალბინიან სახლში – მრავალბინიან სახლში ინდივიდუალური საკუთრების საგანი, რომელიც შეიძლება იყოს ერთ სისტემაში გაერთიანებული მომიჯნავე სათავსების ერთობლიობა ან იზოლირებული სათავსი (სათავსები), რომელიც გამოიყენება საცხოვრებელი ან არასაცხოვრებელი, მათ შორის, კომერციული მიზნებისათვის.

3. დაინტერესებული პირი – ნებისმიერი მესაკუთრე ფიზიკური ან იურიდიული პირი, აგრეთვე კანონიერი მოსარგებლე, რომლის კანონიერ ინტერესზე პირდაპირ და უშუალო გავლენას ახდენს ადმინისტრაციული ორგანოს მიერ განხორციელებული ნუმერაცია.

4. კანონიერი მოსარგებლე – ფიზიკური პირი, რომელიც უფლებამოსილი ორგანოს მიერ გაცემული დოკუმენტის (ინდივიდუალური ადმინისტრაციულ-სამართლებრივი აქტი, ბინის ორდერი, საბინაო წიგნი და სხვ.) საფუძველზე, კანონიერად სარგებლობს ბინით (შენობით).

5. შენობა – მიწასთან მყარად დაკავშირებული, სამშენებლო სამუშაოების შედეგად, სამირკვლის, მზიდი და შემომზღუდავი კონსტრუქციების გამოყენებით, დახურული სივრცის შექმნის მიზნით აგებული ერთიანი სამშენებლო სისტემა, რომელიც გამიზნულია ადამიანთა ხანგრძლივი დროით სამყოფად და გამოიყენება საცხოვრებელი, საზოგადოებრივი ან/და საწარმოო მიზნებისათვის.

6. ინდექსი – ქართული ანბანის ასო, რომელიც ციფრს ეწერება მარჯვნივ ზევით.

მუხლი 3. ადმინისტრაციული წარმოება ნუმერაციისა და სახელწოდების მინიჭების თაობაზე

1. ქუჩების, ხეივანების, შესახვევების, ჩიხების, მოედნების, სკვერების, მრავალბინიან სახლებში სადარბაზოებისა და ბინების ნუმერაციის და სახელწოდების მინიჭების შესახებ ადმინისტრაციული წარმოება იწყება დაინტერესებული პირის განცხადების ან/და ადმინისტრაციული ორგანოს ინიციატივის საფუძველზე.

2. მრავალბინიან სახლებში სადარბაზოებისა და ბინების ნუმერაციის შესახებ დაინტერესებული პირის განცხადებით წარმოების დაწყების შემთხვევაში განცხადებას თან უნდა ერთოდეს დაინტერესებული პირის მიერ აღნიშნული ბინის/ბინების საკუთრების უფლების ან კანონიერი სარგებლობის დამადასტურებელი დოკუმენტი.

მუხლი 4. ქუჩების, ხეივანების, შესახვევების, ჩიხების, მოედნებისა და სკვერების ნუმერაციის საფუძველი

ქუჩების, ხეივანების, შესახვევების, ჩიხების, მოედნებისა და სკვერების ნუმერაციის შეცვლის ან/და ახალი ნუმერაციის საფუძველი შეიძლება გახდეს:

- ა) შენობის/შენობების ნუმერაციის არარსებობა;
- ბ) არსებულ დოკუმენტებში შენობის/შენობებისთვის მინიჭებული ნომრების აღრევა;
- გ) სხვა შემთხვევა, რამაც შეიძლება გამოიწვიოს შენობის/შენობების ნუმერაციის მოთხოვნა.

მუხლი 5. მრავალბინიან სახლებში სადარბაზოებისა და ბინების ნუმერაციის საფუძველი

1. მრავალბინიან სახლებში სადარბაზოებისა და ბინების ნუმერაციის შეცვლის ან/და ახალი ნუმერაციის საფუძველი შეიძლება გახდეს:

- ა) სადარბაზოს/სადარბაზოების ან/და ბინის/ბინების ნუმერაციის არარსებობა;
- ბ) ბინის გაყოფა;
- გ) ბინების შეერთება;
- დ) არსებულ დოკუმენტებში სადარბაზოს/სადარბაზოებისთვის ან/და ბინის/ბინებისთვის მინიჭებული ნომრების აღრევა;
- ე) სხვა შემთხვევა, რამაც შეიძლება გამოიწვიოს სადარბაზოს/სადარბაზოების ან/და ბინის/ბინების ნუმერაციის საჭიროება.

2. ნუმერაცია დაუშვებელია, თუ მესაკუთრეს ან კანონიერ მოსარგებლეს არ გააჩნია ბინით დამოუკიდებლად სარგებლობის შესაძლებლობა და იგი არ შეიძლება წარმოადგენდეს ცალკე უფლების ობიექტს.

მუხლი 6. ქუჩების, ხეივანების, შესახვევების, ჩიხების, მოედნების, სკვერების, მრავალბინიან სახლებში სადარბაზოებისა და ბინების ნუმერაცია

1. ქუჩების, ხეივანების, შესახვევების, ჩიხების, მოედნებისა და სკვერების ნუმერაცია ხდება არაბული ციფრებისაგან შემდგარი შესაბამისი რიცხვის მიხედვით, ხოლო გამონაკლის შემთხვევებში, შენობის სპეციფიკიდან გამომდინარე, ინდექსის დამატებით.
2. მრავალბინიან სახლებში სადარბაზოებისა და ბინების ნუმერაცია ხდება არაბული ნატურალური რიცხვით ან მასზე ინდექსის დამატებით.

მუხლი 7. ქუჩების, ხეივანების, შესახვევების, ჩიხების, მოედნების, სკვერების სახელწოდება

1. ქუჩების, ხეივანების, შესახვევების, ჩიხების, მოედნების, სკვერების სახელწოდების მინიჭება ხორციელდება საქართველოს კანონმდებლობით განსაზღვრული წესის შესაბამისად.
2. ქუჩების, ხეივანების, შესახვევების, ჩიხების, მოედნების, სკვერებისათვის სახელწოდების მინიჭების საკითხის გადაწყვეტამდე სავალდებულოა საზოგადოებრივი აზრის შესწავლა, რაც ხორციელდება საკრებულოს თავმჯდომარის მიერ განსაზღვრული ფორმით.
3. ქუჩებს, შესახვევებს, ჩიხებს, მოედნებს, სკვერებს არ შეიძლება მიენიჭოს სახელწოდება, რომელსაც ატარებს ახმეტის მუნიციპალიტეტში არსებული იმავე სახეობის სხვა გეოგრაფიული ობიექტი.

მუხლი 8. ქუჩების, ხეივანების, შესახვევების, ჩიხების, მოედნების, სკვერების სახელწოდების მინიჭების შესახებ ინიციატივა

1. ქუჩების, ხეივანების, შესახვევების, ჩიხების, მოედნების, სკვერების სახელწოდების მინიჭების შესახებ განაცხადის წარდგენის (შემდგომში – ინიციატივის) უფლება აქვთ:
 - ა) ადგილობრივი თვითმმართველობის ორგანოებს;
 - ბ) ადგილობრივ მოსახლეობას;
 - გ) საზოგადოებრივ ორგანიზაციებს;
 - დ) დაინტერესებულ პირს ან პირთა ჯგუფს.
2. ინიციატივა შედგენილი უნდა იყოს საქართველოს ზოგადი ადმინისტრაციული კოდექსის შესაბამისად, შეიცავდეს მოთხოვნას ქუჩების, ხეივანების, შესახვევების, ჩიხების, მოედნების, სკვერებისათვის კონკრეტული სახელწოდების მინიჭების შესახებ და ამ მოთხოვნის დეტალურ დასაბუთებას.

მუხლი 9. გადაწყვეტილების მიღების წესი

1. დაინტერესებული პირის განცხადებას ქუჩების, შესახვევების, ჩიხების, მრავალბინიან სახლებში სადარბაზოებისა და ბინების ნუმერაციის შესახებ განიხილავს ახმეტის მუნიციპალიტეტის გამგეობის ეკონომიკის, ინფრასტრუქტურის განვითარებისა და მუნიციპალური შესყიდვების სამსახური, რომელიც საქართველოს ზოგადი ადმინისტრაციული კოდექსით დადგენილ ვადაში გამგებელს წარუდგენს გადაწყვეტილების პროექტს ნუმერაციის თაობაზე, საკრებულოს თავმჯდომარისთვის წარსადგენად.
2. ქუჩების, ხეივანების, შესახვევების, ჩიხების, მოედნების, სკვერების სახელწოდების მინიჭების შესახებ გადაწყვეტილებას საკრებულოს თავმჯდომარის წარდგინებით იღებს ახმეტის მუნიციპალიტეტის საკრებულო საქართველოს კანონმდებლობის შესაბამისად. აღნიშნული გადაწყვეტილება (გარდა ქუჩებისა და მოედნებისა) მიიღება გეოგრაფიული ობიექტების

სახელწოდებათა დადგენის, ნორმალიზების, გამოყენების, აღრიცხვისა და დაცვის სამთავრობო კომისიის თანხმობით.

3. საკრებულოს აპარატი ვალდებულია საკრებულოს განკარგულება დაუყოვნებლივ გადაუგზავნოს საქართველოს იუსტიციის სამინისტროს მმართველობის სფეროში შემავალი საჯარო სამართლის იურიდიული პირების – საჯარო რეესტრის ეროვნული სააგენტოსა და სამოქალაქო რეესტრის სააგენტოს შესაბამის ტერიტორიულ ორგანოებს, აგრეთვე ახმეტის №18 საოლქო საარჩევნო კომისიას.